

ODLUKU

O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA KANTONA SARAJEVO ZA 2019. GODINU

I

Iz Tekuće rezerve Budžeta Kantona Sarajevo za 2019. godinu ("Službene novine Kantona Sarajevo", br. 6/19 i 26/19), sa ekonomskog koda 600000 odobrava se izdvajanje sredstava u iznosu od 8.000.000 KM na razdjel 34, glava 01, potrošačka jedinica 0001 - Ministarstvo komunalne privrede i infrastrukture Kantona Sarajevo na ekonomski kod 614400 - subanalitika NOV - "Subvencioniranje dijela cijene na fakture koje će se izdati kupcima iz tarifnih kategorija: Domaćinstva, Velika privreda, Mala privreda i KJKP "Toplane-Sarajevo" d.o.o. Sarajevo u periodu od 01.09.2019. godine do 31.12.2019. godine", funkcionalni kod 0560. Predloženo izdvajanje iz sredstava Tekuće rezerve Kantona Sarajevo za 2019. godinu neophodno je iz razloga što je Vlada Federacije BiH donijela Odluku o davanju saglasnosti na veleprodajnu cijenu prirodnog gasa ("Službene novine Federacije BiH", broj 33/19 od 17.05.2019. godine).

Na osnovu Zaključka Skupštine Kantona Sarajevo broj 01-05-23449/19 od 10.06.2019. godine i Zaključka Vlade Kantona Sarajevo broj 02-05-22741-1/19 od 10.06.2019. godine te Izmjena i dopuna Budžeta Kantona Sarajevo za 2019. godinu broj 01-14-25483/19 od 24.06.2019. godine, subvencija obuhvata sve iznose koji će nastati kao razlika između fakturisanih vrijednosti isporučenih količina prirodnog gasa po novoj fakturnoj cijeni na osnovu Odluke Vlade FBiH o davanju saglasnosti na veleprodajnu cijenu prirodnog gasa ("Službene novine Federacije BiH", broj 33/19 od 17.05.2019. godine) i vrijednosti isporučenih količina prirodnog gasa koje bi bile fakturisane po cijeni koja je važila do 30.04.2019. godine.

II

Za realizaciju ove odluke zadužuju se Ministarstvo finansija Kantona Sarajevo i Ministarstvo komunalne privrede i infrastrukture Kantona Sarajevo.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-35648-25/19
03. oktobra 2019. godine

Premijer
Edin Forto, s. r.

Na osnovu člana 10. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", broj 6/19 i 26/19), tačke IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 39. sjednici održanoj 26.09.2019. godine, donijela je

ODLUKU

O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA KANTONA SARAJEVO ZA 2019. GODINU

I

Iz Tekuće rezerve Budžeta Kantona Sarajevo za 2019. godinu ("Službene novine Kantona Sarajevo", broj 06/19 i 26/19), sa ekonomskog koda 600000 odobrava se izdvajanje sredstava u iznosu 500 KM na razdjel 20 - Ministarstvo zdravstva Kantona Sarajevo, na ekonomski kod 615300 - KAU0B2 - Proširenje laboratorija i sanacija i adaptacija apoteka u iznosu od 500 KM kako bih se stvorili uvjeti za realizaciju neophodne preraspodjele unutar Ministarstva zdravstva Kantona Sarajevo.

II

Za realizaciju ove Odluke zadužuju se Ministarstvo finansija Kantona Sarajevo i Ministarstvo zdravstva Kantona Sarajevo.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-34740-6/19
26. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 146. stav (3) Zakona o srednjem obrazovanju ("Službene novine Kantona Sarajevo", broj 23/17), Vlada Kantona Sarajevo, na 39. sjednici održanoj 26.09.2019. godine, donijela je

ODLUKU

O DAVANJU SAGLASNOSTI ZA IMENOVANJE DIREKTORA JAVNE USTANOVE ELEKTROTEHNIČKA ŠKOLA ZA ENERGETIKU SARAJEVO

I

Daje se saglasnost Školskom odboru Javne ustanove Elektrotehnička škola za energetiku Sarajevo da se Radončić Fikret, magistar nauka u oblasti sporta i tjelesnog odgoja, imenuje za direktora Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-34740-35/19
26. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka), a u vezi sa članom 23. stav (2) Zakona o socijalnoj zaštiti, zaštiti civilnih žrtava rata i zaštite porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na 39. sjednici održanoj 26.09.2019. godine, donijela je

ODLUKU

O UTVRĐIVANJU NOVČANOG DODATKA NA IME PLAĆANJA TROŠKOVA KOMUNALNIH USLUGA

Član 1.
(Predmet)

Ovom Odlukom utvrđuje se iznos novčanog dodatka na ime plaćanja komunalnih usluga korisnika stalne novčane pomoći, način isplaćivanja i obezbjeđivanje sredstava, te druga pitanja od značaja za ostvarivanje ovog prava.

Član 2.

(Iznos novčanog dodatka na ime plaćanja komunalnih usluga)

Domaćinstvo koje je ostvarilo pravo na stalnu novčanu pomoć ima pravo na novčani dodatak na ime plaćanja komunalnih usluga u iznosu od 50,00 KM, mjesečno.

Član 3.
(Način isplate)

JU "Kantonalni centar za socijalni rad" Sarajevo isplaćuje novčani dodatak iz člana 2. ove Odluke, mjesečno, uz isplatu stalne novčane pomoći.

Član 4.
(Obezbjedivanje sredstava)

Sredstva za isplatu novčanog dodatka iz člana 2. ove Odluke obezbjeđuju se iz Budžeta Kantona Sarajevo.

Član 5.
(Prelazne odredbe)

- (1) Sporazumi koje su po osnovu člana 5. Odluke o utvrđivanju novčanog dodatka na ime plaćanja komunalnih usluga ("Službene novine Kantona Sarajevo", broj 52/18) zaključili Ministarstvo za rad, socijalnu politiku, raseljena lica i izbjeglice Kantona Sarajevo i KJKP "Rad" d.o.o. Sarajevo i KJKP "Vodovod i kanalizacija" d.o.o. Sarajevo, stupanjem na snagu ove Odluke prestaju da važe.
- (2) Svi slučajevi, odnosno postupci koji do dana stupanja na snagu ove odluke nisu pravomoćno okončani završit će se po odredbama ove Odluke.
- (3) JU "Kantonalni centar za socijalni rad" Sarajevo će po službenoj dužnosti, u roku od 60 dana od dana stupanja snagu ove odluke, uskladiti važeća rješenja o priznavanju prava na stalnu novčanu pomoć sa ovom odlukom.

Član 6.
(Prestanak važenja)

Stupanjem na snagu ove odluke prestaje da važi Odluka o utvrđivanju novčanog dodatka na ime plaćanja komunalnih usluga ("Službene novine Kantona Sarajevo", broj 52/18).

Član 7.
(Stupanje na snagu i početak primjene)

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se od 01.03.2019. godine.

Broj 02-05-34740-29/19
26. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 12. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13) i člana 8. Odluke o osnivanju Kantonalnog stambenog fonda Sarajevo ("Službene novine Kantona Sarajevo", broj 30/01 - Prečišćeni tekst i 10/05 i 27/06), Vlada Kantona Sarajevo, na 39. sjednici održanoj 26.09.2019. godine, donijela je

RJEŠENJE

O IZMJENI RJEŠENJA BROJ 02-05-32299-22/19 OD 05.09.2019. GODINE O IMENOVANJU ČLANOVA UPRAVNOG ODBORA KANTONALNOG STAMBENOG FONDA SARAJEVO

I

U Rješenju broj 02-05-32299-22/19 od 05.09.2019. godine, član I mijenja se, tako da se dio teksta koji se odnosi na izmjenu članova Komisije "Tea Kulenović - predsjednik i Đemil Fejzić - član", briše se, a imenuje se "Đemil Fejzić - predsjednik i Tea Kulenović - član."

II

U ostalom dijelu Rješenje ostaje neizmijenjeno.

III

Ovo Rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-34740-34/19
26. septembra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 101. Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11 i 36/18), a u vezi sa članom 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), na prijedlog Ministricе zdravstva Kantona Sarajevo, Vlada Kantona Sarajevo na 52. vanrednoj sjednici održanoj 07.10.2019. godine, donijela je

RJEŠENJE

O RAZRJEŠENJU V.D. PREDSDJEDNIKA I V. D. ČLANOVA UPRAVNOG ODBORA ZAVODA ZDRAVSTVENOG OSIGURANJA KANTONA SARAJEVO

I

Razrješavaju se v. d. predsjednik i v. d. članovi Upravnog odbora Zavoda zdravstvenog osiguranja Kantona Sarajevo, obzirom da im je mandat istekao 28.09.2019. godine, i to:

1. Milan Dunović, v. d. predsjednik
2. Samira Hajdarević, v. d. član
3. Mia Jeličić - Pizović, v. d. član
4. Ilijaz Pilav, v. d. član
5. Elvedin Čeković, v. d. član
6. Amela Haverić - Imamović, v. d. član
7. Denis Mačkić, v. d. član
8. Suad Rožajac, v. d. član
9. Kemal Ademović, v. d. član.

II

Ovo Rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-36335-1.1/19
07. oktobra 2019. godine
Sarajevo

Premijer
Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 101. Zakona o zdravstvenom osiguranju ("Službene novine Federacije BiH", broj 30/97, 7/02, 70/08, 48/11 i 36/18), člana 12. tačka 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 16. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", broj 4/00, 18/02, 30/08, 1/12 i 15/13), kao i Odluke o kriterijima za nominiranje/imenovanje članova Upravnog odbora Zavoda zdravstvenog osiguranja Kantona Sarajevo, kojeg je osnivač Kanton Sarajevo ("Službene novine Kantona Sarajevo", broj 25/16 i 22/19), na prijedlog Ministricе zdravstva, Vlada Kantona Sarajevo, na 52. vanrednoj sjednici održanoj 07.10.2019. godine, donijela je

RJEŠENJE

O IMENOVANJU PREDSDJEDNIKA I ČLANOVA UPRAVNOG ODBORA ZAVODA ZDRAVSTVENOG OSIGURANJA KANTONA SARAJEVO

I

Imenuju se predsjednik i članovi Upravnog odbora Zavoda zdravstvenog osiguranja Kantona Sarajevo, i to:

1. Milan Dunović, predsjednik
2. Zilha Ademaj, članica
3. Samira Hajdarević, članica
4. Elvedin Čeković, član
5. Sanela Rošić Ramić, članica
6. Suad Rožajac, član
7. Ilijaz Pilav, član